

Láhka

boazodoallolága rievdadeamis

Riikkabeivviid mearrádusa mielde
rievdaduvvo boazodoallolága (848/1990) 32 § 1 momenta, 34 § 1 momenta láidehuslogu ja 3 momenta, 36–38 §, 43 § 4 momenta ja 51 §, dakkárin go dain leat 36 ja 38 § oassin lágas (1466/2009), sihke
lasihuvvo 36 § ovddabeallai odđa logu bajilčálus, láhkii odđa 36 a ja 37 a § sihke 39 § ovddabeallai odđa logu bajilčálus čuovvovaččat:

32 §

Áidungeatnegasvuohta

Bálggus lea geatnegahtton hukset áiddi, eará rusttega dehe huksehusa (áidun) gilvineatnamiid ja eará sajés go sámiid ruovttuguovllus maid šaddogárdiid, fásta visttiid šiljuid ja eará sierra atnui váldojuvvon guovlluid suodjaleami várás bohccuin. Áidungeatnegasvuođa eaktun lea, ahte áidun lea dárbbaslaš vahágiid caggama várás ja ahte huksengolut leat govtolaččat áidumis duodálági mielde ožžojuvvon ávkki ektui.

34 §

Buhttenvuloš vahát

Bohccuid eanan- ja vuovdedollui dagahan vahát dego maid bohccuid 31 § 1 momenttas dárkkuhuvvon guovllus šaddan vahát ferte buhttejuvvot vahátgillájeaddjai. Vahátbuhtadus sáhtta soabahuvvot dađi lági mielde go vahátbuhtaduslágas (412/1974) mearriduvvo. Vahátbuhtadus ii goitge máksojuvvo:

Ovddabealde 1 momenttas dárkkuhuvvon buhttenvuloš vahágis, mas vahátgillájeaddji gáibida buhtadusa, ferte ilmmuhuvvot bálgosii almmá dárbbasmeahtun ájiheami haga.

6 a lohku

Boazovahátlávdegoddi ja dan barggut

36 §

Boazovahátlávdegoddi

Boazovahátlávdegoddi lea iešmearrideaddji áššedovdiorgána. Lávdegotti lahttun leat ságadoalli, várreságadoalli ja unnimusat vihtta eará lahtu. Lahtut leat oalgedoaibmasaččat ja barget virgeovddasvástádusain.

Eanan- ja meahccedoalloministeriija nammada boazovahátlávdegotti lahtuid njealji jahkái hávállasi. Ovdal lahtuid nammadeami eanan- ja meahccedoalloministeriija ferte hullat ášši dáfus guovddáš buvttadeaddji- ja ealáhusorganisašuvnnaid.

Biebmoearráigeahčču fuolaha lávdegotti hálddahusbálvalusain ja mearrida dan lahtuid bálkkašumiid ja buhtadusaid vuođuin.

Stáhtaráđi ásašusain addojuvvojit dárkileabbo njuolggadusat lávdegotti lahtuid nammadeamis. Stáhtaráđi ásašusain addojuvvojit maid njuolggadusat lahtuid gelbbolašvuoda gáibádusain ja lávdegotti doaimma ordnemis.

36 a §

Boazovahátlávdegotti barggut

Boazovahátlávdegotti bargun lea bivdaga mielde addit cealkámušaid das:

- 1) mii lea bálgosa 32 §:s dárkkuhuvvon áidungeatnegasvuohta;
- 2) leatgo bohccot dagahan 34 §:s dárkkuhuvvon buhttenvuloš vahága ja mii lea vahága sturrodat vahátšlájaid sierranastima mielde;
- 3) mii lea 43 § 4 momeanttas dárkkuhuvvon bohccuid dohkálaš haddi.

Juos eará vahága šaddan dahkui gullameahttun ášši lea maid leamaš 1 momeantta 2 čuoggás dárkkuhuvvon vahága sivvan, cealkámušas ilmmuhuvvo árvvoštallan ášši váikkuhusas vahága sturrodahkii.

Boazovahátlávdegoddái gullá maid soabahallandoaibma 1 momeanttas namuhuvvon áššiid guoskevaš riidoáššiin.

37 §

Cealkámušášši gieđahallan

Boazovahátlávdegottis bivdojuvvo cealkámuš čálalaččat. Cealkámuša sáhtta bivdit bálggus, eananeaggát dehe hálddašeaddji dehe vahága gillán dehe eará buhtadussii vuoiggalaš. Bivdagis galgá ilmmuhit ášši oassebeliid namaid ja čujhusaid sihke dárbbášlaš dieduid áššis, man cealkámušbivdda guoská.

Cealkámuša ii dárbbat addit, juos cealkámušbivdda lea dárbbatmeahttun. Juos cealkámušáššis lea addojuvvon duopmostuolu čoavddus dehe lea diedus ášši johtáhuvvon duopmostuolus, ii lávdegotti čovdojuvvon dehe daid oasis geat leat dikkiis, oaččo gieđahallat oassebeali dahkan cealkámušbivdaga. Juos ášši, mii gullá lávdegotti doaibmaváldái, lea johtáhuvvan duopmostuolus, lávdegoddi sáhtta liikká addit cealkámuša duopmostullui dan bivdagis.

Áššis ferte doaimmahuvvot dárkkisteapmi, juos dat ii gehččojuvvo čielgasit dárbbatmeahttumin. Dárkkisteami sáhtta doaimmahit ruovtturáfi biirii gullevaš viidodagas dušše giddodaga hálddašeaddji lobiin.. Lávdegottis lea vuoigatvuohta oazžut oassebeliin cealkámušaid addima dáfus vealtameahttun áššegirjiid, mat laktásit áššái. Ášši gieđahallamis ja čoavdimis čuvvojuvvo muđuid, mii hálddahuslágas (434/2003), eiseváldiid doaimma almmolašvuodas addojuvvon lágas (621/1999), giellalágas (423/2003) ja sámi giellalágas (1086/2003) mearriduvvo.

37 a §

Soabadis

Ovddabealde 36 a § 1 momeanttas namuhuvvon áššiid riidoášši oassebealit sáhttet bivdit, ahte boazovahátlávdegoddi mearrá ovta lahtus veahkehit oassebeliid čoavdit áššis soabalaččat. Juos bivdda dahkkojuvvo go cealkámušbivdda johtáhuvvo, de cealkámušbivdaga gieđahallan

gaskkalduvvá soabahallanmeannudeami áigái. Dárbbášlaš dárkkisteapmi sáhttá goitge dollojuvvot ovdal gaskkalduhttima, juos dárkkisteami ulbmila ollašuvvan muđuid šattašii vára vuollái. Cealkámušbivdaga giedahallan nohká go soabat šaddá.

Diggeriekti sáhttá nannet 1 momeanttas dárkkuhuvvon meannudeamis dahkkojuvvon soabada ollašuttengelbbolažžan dađi lági mielde go riidoáššiid soabahallamis ja soabada nannemis almmolaš duopmostuoluin addojuvvon lágas (394/2011) mearriduvvo

38 §

Mávssut ja golut

Cealkámušain ja giedahallamis, mii lea nohkan cealkámušbivdaga eret geassimii eará ákka go olahuvvon soabada dihte, berrojuvvo máksu ášši johttaheaddjis. Sobahallanmeannudeamis ja almmá soabada haga soabadii nohkan cealkámušášši giedahallamis berrojuvvo máksu, mii juohkása oassebeliid gaskka ovttá dási.

Mávssuin mearriduvvo eanan- ja meahccedoalloministeriija ásašusain. Mávssut sáhttet mearriduvvot iežasgoasttidanárvvu vuollelii. Mávssuide guoskaduvvo muđuid, mii stáhta máksinvuođđolágain (150/1992) mearriduvvo.

Iežaset goluid oassebealit gokčet ieža.

6 b lohku

Vuoigatvuohta boazoáiddiid huksemii ja muoraid váldimii

39 §

Boazoáiddiid huksen

43 §

Boazoealu luobaheapmi

Luobaheaddji gáibádusas bálggus ferte geavahit ovdastinvuoigatvuođas, juos dat lea gieldán boazoealu oazžunlobi. Ovdastinvuoigatvuođa geavahettiinis bálggus ferte oastit buot luobahuvvon bohccuid ja máksit dain bohccuid luobaheaddjái seamma hatti, man son livččii ožžon oastis. Juos luobaheamis ii lean buhtadus dehe gávpehaddi spiehkkasii čielgasit dohkálaš hattis, bálggus ferte máksit luobaheaddjái bohccuid dohkálaš hatti.

51 §

Dáhkádus

Ovdal go lea álgán iežas bargui boazoisit, várreboazoisit, bargohoavda ja boazorátkimiid lohkki ferte vuolláičállit dáhkádusa.

Dárkilit njuolggadusat dáhkádusas addojuvvot stáhtaráđi ásašusain.

Dát láhka boahtá fápmui ođđajagimánu 1 beaivve 2021.

Go dát láhka boahtá fápmui, de ásašuvvon árvvoštallanlávdegottit jotket dan rádjái, go eanan- ja meahccedoalloministeriija lea ásašan boazovahátlávdegotti dán lága mielde.

1135/2020

Árvvoštallanlávdegottis ovdal boazovahátlávdegotti ásaheami johttáhuvvon ášši giedahallojuvvo dán lága fápmui boahtima mannel gustojeaddji njuolggadusaid mielde, mat leat leamaš fámus.

Helssegis juovlámánu 17. beaivve 2020

Dásseválddi Presideanta

Sauli Niinistö

Eanan- ja meahccedoalloministeriija Jari Leppä